

Benny Nisbet (PPA):

“ Nos grandinan tambe tin derecho riba un bida di calidad’



ORANJESTAD – PPA su maneho lo ta dirigi pa duna nos grandinan un miho calidad di bida den tur sentido di palabra e.o. door di:

1. Construcccion di casnan pa anciano moderno basa riba e principio di e derecho riba privacidad cual a wordo presenta door di fraccion di PPA na parlamento na 2004 y 2005. E intencion tabata cu casnan di anciano lo a wordo traha na San Nicolas, Sta. Cruz y Noord basa riba mocionnan di PPA aproba Unanimamente parlamento den e

epoca ey. Lamentablemente ta solamente e cas di anciano na San Nicolas a wordo construi. MEP NO a pone fondo disponibel pa e casnan di anciano na Noord y Sta Cruz durante 4 aña despues cu e mocion aki a pasa parlamento. AVP di nan banda durante 8 aña NO a dedica atencion na e facilidadnan aki pa nos grandinan.

2. PPA tin intencion di bin cu un maneho pa sostene nos grandinan cu NO por atende financieramente cu e mantencion di nan propio cas pa haci esaki pa nan y prepara e cas pa asina un grandi por biba mas confortabel den esaki.
3. Maneho di PPA lo encera cu e derecho di nos grandinan riba un pensioen lo mester keda intacto ora e grandi ta wordo pasa pa un cas di anciano. Mester tin un proceso unda e grandi lo contribui cu un parti di su pensioen pero E lo tin derecho di keda cu un parti di dj'e pa atende cu su otro necesidadnan. Gobierno lo mester subsidia e diferencia !!
4. Fuera di e casnan pa anciano.....lo mester tin un cierto cantidad di cas den cada distrito cu ta cay bao di FCCA pero ta destina pa uzo door di nos grandinan. Lo mester expande esakinan debidamente.
5. Lo mester construi parkenan cu lo por wordo usa pa tanto nos muchanan como nos grandinan pa asina tin un control social.

6. PPA lo stop e crecemento di edad pa cobra pensioen cu basa riba ley ta na caminda pa 65 aña ...na momento cu e yega 62 aña...E edad cu cual Juan E Yrausquin a prepara y a introduci e ley aki !!
7. PPA ta boga pa un sistema social wordo introduci unda un grandi cu ta biba di solamente un pensioen di biehes wordo subsidia parcialmente den e gastonan di awa, coriente y telefon p.e. un 50% di esaki !!
8. PPA ta boga pa e derecho di nos grandinan riba pensioen oficial wordo regla pa nan legalmente esaki lo encera nan derecho di pasa p.e. 10 dia di vacacion anualmente na x Bushiri hotel cu parcialmente bao di un gobernacion di PPA lo wordo pasa pa un fundacion pa atende esaki.
9. PPA su maneho lo encera cu lo mester adapta e Ley di AZV cu nos grandinan lo NO tin mester di paga e PREMIE como sigura nan ta nan propio doño di trabou.... aki gobierno lo mester contribui cu un suma pa cubri esaki.

Conclusion di PPA en todo caso ta cu NI gobierno di Aruba di AVP NI parlamento di Aruba den e constelacion aki NO a dedica atencion na e derecho y miho bida pa nos grandinan.

PPA su maneho lo encera cu lo hiba nos grandinan tambe pa e Proximo Nivel.